

Theologia

Feet. 4028.

Charnocki Adami Analogismus omnipotentiae

Dei, ~~et~~









ANALOGISMVS  
OMNIPOTENTIE  
DEI  
EX COELESTI  
ANGELICI DOCTORIS  
D. THOMAE  
AQUINATIS

DOCTRINAE  
*In Franciae  
Lepos. & Phil. Doctores  
Imp.*

COLLA-  
DABUNT  
MULTI  
SAPIEN-  
TIAEIVS

CRACOVIAE  
In Capitulo Trinitatis  
Ordinis predicatorum  
An. MDCXXXIX  
e.

VSQVE  
IN SAECV-  
LVM IN  
DELEF-  
TV  
ECCLIA



RE

F.

Co




appara  
verd c  
conatu  
meum  
subie  
virtut  
inter l  
ampli  
Te un  
lum ha  
mum  
grauis  
J



59973

DT HOMAS


DOCTOR  
MAGISTER



IN SAC  
LVMIN  
DELE  
TV

IN FINE  
CAPIT  
MULTI  
LABANT





F. A V G V S T I N O  
D E I M M O L A.  
P R O V I N C I A R V M  
P O L O N I Æ & R V S S I Æ

COMMISSARIO APOSTOLICO, AC  
VISITATORI DIGNISSIMO.

*Patri, & Patrono Colendissimo,*

F. Adamus Chamocki Studens Formalis P. F.

**H**ÆC quæ inter Supremi Commissariatus Tui exortum, in Augustissima Angelici Doctoris Theologia, styli officio, ac si publico præcone collegi, Adm R. P. & Patrone colendissime: interim, cum uniuersi Prouincia mea Conuentus, omnia Tibi magnifico & rerum, & verborum apparatu officia exhibent; tempore quidem, ut primum licuit, studiorum verò contentione tanta, quantam virtuti amplitudiniq; Tuae exequare conatus sum, ad Te libens lubensq; defero. Quod si affectum & debitum meum penitus expendis, facti causam nullam credo requiris. Amoris & subiectionis est opus, imò Apostolico Muneri Tuo, quod auspicato, duce virtute, comite sapientiâ suscepisti, applausus. Scilicet ut immaturus inter Fratres Benjamin, pio Parenti affectum, & ut pars minima, amplissime Prouincie, Tuae nunc authoritati commissa, non alteri præter Te vnum, lucubrationum mearum reddere debui rationem. Neq; solum hac tenui coniectura, in hanc inuitabar cogitationem, ut potissimum Analogismum hunc meum nomini Tuo consecratum irem: sed grauissimam mihi iniiciebat vim, admirabilis ille virtutum Tuarum cin-

Jonas Prof. A. Cræ 25 oct 1881  
Berberus



1  
nus, qui tantam Tibi in luce orbis terrarum, & arce omnium gentium  
Romanaq; urbe adsperserat gratiam, quantis oculorum illecebris efferre  
sese assolet illimis dici auspex, solare iubar, cum nullis in obscuratum nu-  
bibus, defecatas enascentibus radiis inornat auras. Te unum pra multis  
negotiorum suorum robustum animo Athlantem Religio Sancta expe-  
tuit, ac tantopere adamatum nomen Tuum peculiari quapiam insigni-  
uit benevolentiae gemmâ, ut idem esses clarissimi Ordinis primicerius, ac  
Moyſis nostri strenuus Aaron, cuius robore eualesceret ipse, ac humeris  
se Religionemq; sustentaret uniuersam. Tuo studio atq; contentione, &  
infelix Hæreseos lolium extirpari, & obsoletum templorum cultum reno-  
uari, & collapsam vitæ disciplinam restitui, denique antiquam Christiani  
nominis pietatem suscitari posse, Sancta Sedes Apostolica, non dubia spe  
sibi pollicebatur: propter quod, & Sanctissimo Te Inquisitionis Sacrae  
adscripserat collegio; & nunc Prouinciarum Poloniae & Russiae Com-  
missarium ac Visitatorem suum voluit esse destinatum. Sed hec Tua  
theatris dignioribus pangeretur olim laus: ego in praesens, gratulari non nisi  
Tuo felici fortunatoq; aduentui, & non æternum virtutibus volui statuere  
monumentum. Et cum nec tanti operis dignitati sentiam me pares cona-  
tus asferre posse; Reginam virtutum omnium Sapientiam ad salutandum  
Te, excipiendumq; Hospitem optatissimum Thomistico de celo euocaui.  
Nouit illa apprimè magnificos Magnorum virorum vultus, decumanâ  
difficultatum obnubilatos tempestate, iucundâ serenare eloquentiâ, &  
virtuti sudoreis perfusa guttis, Dedaleam ac bene doctam, ad erigendas  
sibi tam magnificas moles, apponere dexteram. Quod si verò celo Phi-  
dia, Apellisue penicillo, aut erudito Homeri stylo ad immortalitatem fer-  
ri, magnum quondam Magnus putauit & optauit Macedo: laudari  
quoq; à Sapientibus non postremum, erudita antiquitas existimauit feli-  
citatæ indicium, at ipsane sapientem inueniet quispiam sapientio-  
rem Sapientiâ? quæ Magnis Tuis excitata virtutibus, ut est mora impatiens  
lentia, Supremum Te à Sede Apostolica Prouinciis Poloniae & Russiae de-  
mandatum Commissarium, non breui abolendis colorum lineamentis,  
neque morituris carminibus, sed ipsius Sapientiae sapientissimis placitis  
celebrare, perenni-que immortalitati consecrare adlaborat. Tu faue pre-  
conceptis votis, Pater colendissime, & administram gratulationis meae  
Sapientiam, quam ad Te lego, tametsi puluerulentam, de via, be-  
nigno vultu aspice. Faxit Deus omnipotens, cuius hic virtutem adum-  
brare satagimus, ut & commissæ exequaris felix, & viuas diuturnus.



# O D E GRATVLATORIA;

## STROPH E I.

**F**ulgens lucerna mundi,  
A luce cuius,  
Pelluntur tenebræ tristes, pulcherque dies  
Illustrat templi faciem,  
O O E N O T R I A  
Postulo supplex:  
Quis à tua Sede venit?  
Cerno, virum,  
Famæ præit clarus sonus,  
Laudumque concinnum melos,  
Regni per omnes angulos tonans.

## ANTISTROPHE I.

**Q**uam limpidas virtus ge-  
nas retinet, & quam a-  
micum oculum huc atque illuc blandè spargere scit,  
A quo, suscipiens vulnus  
Viua gloria,  
Præpete cursu,  
Eius decus disseminat.  
Vrbes, domos,  
Cætus graues mortalium, &  
quod palpebris Sol aspicit  
Micantibus, dulci canore implens.

## EPODVS I.

**T**heologici splendor chori,  
Decus Religionis sacratæ,  
Pontificis (fronti cuius suprema corona  
Imposita est, clauusque datæ, quæis tecta poli  
Turbæ terrigenæ explicet)  
Ocelle lucidissime,  
Patrone noster, & Parens benigne  
AVGVSTINE, Tuus decor arduus  
Ante, priusquam,  
Nobis adest, venisses,  
Laude præuia.



## STROPHE II.

**E**Xpergefactus Titan,  
Præsentiam sic  
Testatur propriam, linquendo cubile maris;  
Affines, cœli partes  
Ornat purpura,  
Sæpe virore,  
Cœli peplum colore pul-  
chro vestiens,  
Post igneum attollit caput,  
Radios per omnia iaculans,  
Terræque madidæ rore, risum excitat.

## ANTISTROPHE II.

**E**T gloriæ iubar tu-  
æ, ad nos volauit  
Non aliter, nam inflare tubam scit fama suam,  
Tympana trudi percutere  
Et callet bene  
Nomen ad astra  
Tollens, plagisq̃ue nuntians  
Licet remo-  
tis, gloriam seruabilem:  
Quam non edax dens temporis  
Non ardor ignis, non aquæ profun-

## EPODUS II.

da, abigent in vrnâ luridam.  
Inusitati gaudii mel.  
Mentes perfundit nostras, nubemq̃; dolorum  
Diisipat, ac placido demulcet cuncta ioco,  
Quando frigidus aspicit  
Te Axis, nec amplius fouet  
In corde spem, quæ sæpe fame audet ne-  
care, ferocem ictum tribuendo.  
Acrius ecquid?  
Desiderato quàm bo-  
no carere: Eheu!

## STROPHE III.

**C**onscende felix igitur  
**POLONIÆ VRBEM**  
Magnam, & vota hominum complere velis,  
Qui



Qui, studio vnanimi optant  
 Te Te cernere;  
 Ampla cui res  
 A Præsìde alto Ecclesiæ  
 Commissa adest,  
 Nec par humeris cuiusque, nam  
 Dare Ordini oculum, & noscere,  
 Sapientiæ & Pietatis est opus.

### ANTISTROPHE III.

**O**Rbis Monarcha summus,  
 A quo potestas,  
 Quæ cælum terramque gubernat, tota venit;  
 Sic suescit procedere, nus-  
 quam virtutibus  
 Legeque recti  
 Vacuos, iubet amari à grege  
 Sibi fide-  
 li: Nam DEVM qui negligunt,  
 Vt negligantur ab omnibus,  
 Iustitia, Prudentia, Fides, clamant.

### EPODVS III.

**A**ST qui iugum Domini adamant,  
 Eiusque iura sancta, rectè  
 Concipiunt, explentque simul; non talibus vnquã  
 Promeritus sublatus Honor, plaususque virum.  
 Est nam Quid sapientius?  
 Quid iustius? Quid rectius?  
 Quàm debitos habere honores illis,  
 Quos Mundi REX, ritè præesse  
 Constituit, do-  
 tauitque multiplici bo-  
 no, laboreque.

### STROPHE IV.

**E**Xpressa cernimus omni-  
 a in corde tuo amæ-  
 no, sede doctrinæ sacræ, virtutisque throno;  
 Quam non ostentatio fal-  
 lax enutrijt,  
 Nec rabiosa  
 Authoritatis Mater I-



ra, crebrò opus  
Zelo scelestum contegens,  
Vestita plumâ futili,  
Pinguedinis, carnisque nil obtinens.

#### ANTISTROPHE IV.

**T**V namque semita so-  
phorum incedens, nec  
Hanc, vel in illam partem gressum flectere ten-  
tasti, tramite securo,  
Usque ad verticem  
Fastigiatum  
Volare studuisti, relin-  
quens posteris  
Imitanda facta, dans nouam  
Dein facem, lucemque lim-  
pidissimam, sacrae Religioni.

#### EPODVS IV.

**Q**Valem figurabat canis  
In ore geltans lampadem, Pa-  
renti sollicitæ visus per somnia, natum  
Mundo splendorem factis, vitaque datu-  
rum, nubesque tenebricas  
Pulsurum ab orbe nuntians.  
In monte Tu positus igitur hoc excel-  
so meritorum, tecta que cœli  
Vertice laudum  
Tundens, serenum ades no-  
bis, iubar. decus.

#### STROPHE V.

**Q**Votquot tenet viros Or-  
do hic inclytus; pas-  
citque animas coelesti cibo, lacteque sa-  
cro doctrinæ, pectora va-  
na implens iugiter,  
Coelica ut aula,  
Viuis decora lapidibus,  
Et Margari-  
tis plena, perficiat typum  
Sui, nec amplius paries  
Stet mancus, aut pinnaculum informe.

ANTI-



## ANTISTROPHE V.

**H**ic coetus omnis ante  
te tuos pedes stratus  
gaudet, Vastumque DEVM veneratur, eò;  
Quod saluum dederit te Regno  
nostræ arduo  
Relligionis,  
Quàm grande viuit commodum  
Segesque re-  
cti, vbi pij superstites,  
Rerum ordini attendunt pie,  
Ne deuiare discat à lege!

## EPODUS V.

**V**T cymba, quando per mare  
It turbulentum, nil veretur,  
Saxa licet scopulique premant, fluctusque; feroces,  
Spumataque vndæ, Nauclerus si bonus ad-  
sit, qui dirigat optimè.  
Mortalium sic congrega-  
tio, sub vno iure traducenti-  
um vitam, perferre periclâ.  
Nulla potest, si  
Caput habeat, cui mandet  
Sceptra, collaque.

## STROPHE VI.

**D**emum secunda vita  
Mortalium esset,  
Ciuiibus æterni templi gratissima, si  
Tales inspicerent alio-  
rum facta, & meri-  
tum, mali quos non  
Pulsare fama censuit.  
Qualibus hono-  
rem extorquet ab alijs, Fides,  
Virtus, & Innocentia,  
Non verba fulminis æmula,  
Pannosaque famulantium cohors.

## ANTISTROPHE VI.

**O** millies, ac milli-  
es PRÆDICATO-  
RVM Felix ORDO, vitæ sanctissima lex:  
In nido



In nido cuius fœcun-  
do, generatur  
Maxima coele-  
stis portio turbæ, viros  
Cui profun-  
dos subministrat M A R I A ,  
Semper humili veneranda poplite.

### EPODVS VI.

**H**Os inter altiores magis,  
Sic fama radians, veritas sic  
Nobis veridico de Te sermone locutæ,  
Ac licet ex humili, tu dicas pectore nil,  
Cunctis se minimum adstruens,  
Hoc vult sui despectio.  
Aurum tamen splendore fulgurat, nec  
Contectæ conchis gemmæ, amit-  
tunt pretium, par-  
ua semper vitica, quamuis  
Erigat caput.

### STROPHE VII.

**P**Rouinciam tuo impe-  
rio datam, fe-  
liciter instituas, commissæ à Præsule sum-  
mo incipe, Relligio id poscit  
Tanto læta vi-  
ro, cui tutè  
Regimen sui concedidit,  
Longoque tem-  
pore postulabit tantum, aper-  
ta corda Fratrum sunt tibi,  
Ceruixque ad omnem obedientiam

### ANTISTROPHE VII.

**P**Arata, nil rebelle,  
Ad vanitatem  
Nil fictum, cuncti te sancto corde salu-  
tant, candorem nam referunt;  
Veste & pector  
Menteque munde

Dissemi-



Dissimilis est nunquam Paren-  
ti filius.  
Sed ecce circa aures meas  
Plausus nouus circumsonat,  
Vox apprecantis est Tibi AVGVSTI.

EPODVS VII.

NE. Ergo quousque circuet  
Terræ papauer paruulum SOL,  
Et luna herbarum frontem, dum spargere rore  
Curabit, cœlique faces non amplius ho-  
ras, terræ efficient globo.  
TV VIVE, Tota faustitas  
Præsentiam tuam beet sacratam,  
Laudibus ac annis cumulatus,  
Tecta superna  
Post scande, semper actu-  
rus diem optimam.





AVGVSTINVS DE IMMOLA  
Epigramma.

**O**rbis turbo procul, rerum variaq; procella,  
A mundo impietas, exules ac vitium.  
Posis quare? ideo, scelerum spectacula tota  
Robustè Domini percutit alta manus. (dextrâ  
Hoc quoq; cur? de IMMOLA AVGVSTINI sacra  
Immolat aeterno, sacrificatq; Deo.

ANAGRAMMA PVRVV.  
Sumn' Dei Augusti mola?

**A**VGVSTINE Tuas cui fas conscribere laudes?  
Nulli; cunctorum claudicat hîc calamus.  
Errores violas, fraudes, sectasq; malorum,  
Schismata feda tuo conteris officio:  
Attamen à Fratrum turba Tu queris id unum,  
Narrate? AVGVSTI SVMN' DEI  
MOLA EGO.



# ANALOGISMVS

## Omnipotentia Dei.

### I.

**I**Nter altissima Naturæ Diuinæ arcana, in quibus cognoscendis sacrorum hominum mentes magnopere versari debent; eximium extat ac subline Potentia Dei: cuius consideratio cum mirandum in modum, intelligentiæ conducat Diuinorum, multosque in nobis erga Deum affectus, reuerentiæ nimirum, humilitatis, timoris ac fiduciæ excitet: iure merito à Theologis, suis in studijs adhibetur. Quæ quantumcunque adæquatè haud valeat ab illis explicari, inuestigabiles etenim reperiuntur eius viæ, & quis ingreditur illas? aut quomodo occurret animo, cum supereminentia eius, nostræ rationis excedat atq; eloquij facultatem? ob hoc nihilominus, ab indaganda humiliter illa, in sacro quispiam eloquio, & Sanctis fundatus Patribus, delistere necesse neutiquam habet.

### II.

**P**urissimam actualitatem Dei auferre nititur, potentiam in eo adstruens passiuam reperiri: Supremum etenim ille perfectionis fastigium cum teneat, actus extat purus, passibilitatis expers creaturarum: minimè materia & forma intrinseca, esse & essentia, natura & supposito, realiter actualiter, aut ex rei natura distinctis, subiecto & accidenti, genere & differentia coalescens: verum simplicissimus permanet ac perfectissimus, ut nullatam sublimis, tamq; præcipua sit factura, Deus, cui ipse extare valeat natura. Vnde etiam compositionem eam respuit rationis, in sui ratione formali, quæ passibilitatem includit intrinsecè: haud illam tamen, qua noster, iuxta suum intelligendi modum, intellectus, componit, quæ non composita sunt, nec non de simplicissimis rebus format propositiones.

### III.

**I**N Deo communia absoluta, esto realiter sint vnum actualiter, Essentiæ eius, ut pote pelago perfectionis identificata; iuxta intelligentiæ tamen nostræ rationem, assignamus duplicem in eo formaliter repertam, rationem potentia formalem; alteram producendi, qua productum realiter valet producere: (nihil quoad præsens de potentia intelligendi & volendi, absolute & secundum se acceptis) & alteram subsistendi, qua potest in aliena subsistere natura. Et illam quidem iterum distinguimus, in eam, quæ ad extra effectrix est creaturæ, & in eam, qua Deus productius est ad intra Personæ. Subsistendi verò potentiam etiam in eam partimur, qua absolute & communicabiliter, & in eam, qua personaliter potest subsistere, quam deinde multiplicem iuxta pluralitatem personarum subdistinguiamus.

### IV.

Tomus

Joseph B 2

Crav 23

et i. Burkhard

dextra  
sacra

DEI

ALO



#### IV.

**P**erfectissima in Deo potentia est productum producendi, haud quaquam realiter actualiter, aut ex natura rei, tam ab ipso, quam ab eius Essentia atq; actione discreta. Producens quandoquidem Deus sua cum quidditate, potentia atq; actione, in vnam eandemq; simplicissimam adunantur rem, quamvis ob summam eminentiam perfectionis & formalitatem, virtualement, atq; ratiocinatae distinctionem rationis, per ordinem ad intellectum compatiantur nostrum. Quapropter sermo, si de potentia Dei respectu producti fiat, eam veram atque realem potentiae exercere rationem tenendum est: si vero spectetur illa, per ordinem ad actionem, quae Diuina extat Essentia, tunc sic accepta haud sibi vendicat rationem potentiae, nisi secundum intelligendi modum, prout Essentia Dei, in se simpliciter prae habens, quidquid perfectionis est in rebus creatis, potest intelligi, & sub ratione actionis, & sub ratione potentiae.

#### V.

**S**ummè in Deo actiua reperitur potentia effectum ad extra producendi, cuius rationem nos formalem, formaliter vt distinctam ab actione intelligentes, haud solum nostrum intelligendi modum, verum ipsam etiam, vt est in se, rem afficere intellectam, absque praedudicio purissimae eius actualitatis agnoscimus, eamque ratiocinata distinctam ratione, ab intellectu & voluntate, atq; Scientia practica Dei censemus, adeo, vt eam distinctum extare ab illis diuinum teneamus attributum: in quo non solum acriter Theologica ratione, at maxima Doctoris etiam Angelici & nostri auctoritate firmamur. Quae ratio potentiae ad extra aliquod creatum efficiendi, secundum quod in Deo radicitur natura, vna cum ratione potentiae ad intra personam producendi, vnica est entitatiue, nedum vniuocè, at numero etiam: quatenus verò ambae, vt coniunguntur in exereitio operationi, si considerentur, non vniuocè, sed per prius & posterius enuntiatur de eis potentia, ita vt illa prior extet, quae ad intra, eam, quae ad extra productum producit: etsi haec utpote essentialis & communis sit suo modo illa prior in actu signato accepta.

#### VI.

**I**nfinitam Dei extare potentiam ad extra operatiuam, non solum entitatiue, at in ratione virtutis etiam & potentiae operatiuae, tam intensiue, quam extensiue, negaturum estne qui abeat? ex hoc nihilominus posse producere Deum infinitam cathegorematicè creaturam, non est, quare quis inferat: licet valeat maxime absque fine, sine cathegorematicè, (vt aiunt) tam plures, quam perfectiores, etiam istis, quos cernimus, effectus patrare: immò innumerabiles hoc in sensu mundos, pulcherrima ornatos varietate creaturarum, nouis ditatos speciebus rerum, alijs praeditos ac innumeris, ijsque admirabilibus operibus, quae minime humana valet assequi intelligentia, concinno ordine, tanta facilitate, & promptitudine potest, Summus quippe artifex, construere; vt ob stare valeat nihil, quominus ad amussim, quae iudicaret, ac vellet omnia, in esse constituat, atque in rerum natura ponat.

#### VII. Obie-



## VII.

**O**bjectum suo modo, Potentiam Dei, extrinseci effectiuam effectus, specificans, Ens extat per essentiam, Diuina nimirum, ut à creaturis participabilis Essentia, ipsæ verò obijciuntur ei, ut esse aptæ accipere, Creaturæ: quæ per ordinem ad potentiam si capiantur, obiectum utpote extantes illius, in obiectiua sunt potentia: si verò respectu esse, quod accipere ab agente possunt, considerentur; in potentia illud recipiendi sunt passiua. Ad hoc, ut possibiles sint & dicantur, entia extare debent nominalia, rerum essentias importantia, vnde non contradictionem implicare, verum habitudinem dicere debent terminorum, secum haud pugnantium. Et quamuis potentia Dei, circa non Ens, nihilum siue dicas, Enti oppositum participiali, versari valeat, illud vel è nihilo ad esse reducendo, aut de ente in nihilum redigendo; nullo tamen potest occupari modo, circa non Ens, Enti oppositum nominali, ac contradictionem implicanti.

## VIII.

**V**niuersa sua Deus, cunctipotente valet potentia patrare, contradictionem quæ non implicant: quid enim in maxima illius vi, supremaque est potestate, virtute, quod plenum non sit & efficacitate? aut aliquod tam maximum si extat opus, illius quo infringi valeat aut debilitari potentia? Quæ vnum esto sit attributum Dei, distinguitur nihilominus à nobis, diuina modo concipientibus nostro, in naturæ potentiam authoris & gratiæ: item in potentiam ordinariam, atque peculiariter ordinatam, illius quod Sapientia Dei instituit ordinatè, atque voluntas decreuit in effectibus ad naturas conformiter illorum, causarum atque secundarum executiuam: & in potentiam absolutam, qua potest omne illud Deus, contradictionem quicquid non implicat. Et ordinaria, specialius etsi enuntietur ordinata, vtræque tamen est talis, agentis, utpote per intellectum dirigentem, & voluntatem imperantem, at diuersimode, ut cuilibet rem attentius hanc consideranti, de se patet.

## IX.

**A**ltissima extant, quæ præpotens facere potest Deus magnalia: è quibus pauca quædam, exili sermone si licebit recensere, omnia fatendum est, cum valere è nihilo factibilia efficere, in nihilumque effecta redigere, rerum vertere vniuersitatem, varijsque versare modis, vnum in aliud conuertere: maxima præstantes mole ad granum constringere papaueris: quantitate gaudentes paruula, in vastam extendere magnitudinem: rapta quæque à fortissimis alijs motoribus mouentia, etiam superiora sistere: terram concutere, è suis conuulsam sedibus alio traducere, montes firmissimos ex insita illis naturæ lege alibi illico transferre, aut iacto findere fulmine, & in fenum fauillamque redigere: elationes fluctuantes excitare suo arbitratu & sedare marinas: aquas è duro silice excutere: amaras lymphas dulces efficere: cataclismo mundum obruere: atque morula temporis rerum tranquillare vniuersitatem: vario solis ortu & occasu, diuersas, præter has, quas suspicimus, æris ac temporis contemperaciones, necnon plura alia, quæ nostra non assequitur intelligentia, potest efficere.



## X.

**P**otest insuper de lapidibus filios facere Abrahæ, pauperrimos adiutore orbatos de manu potentis liberare, abundantibus diuitijs locupletare, diuites dimittere inanes: quorumcunque generibus detentis morborum sanitatem, vitam mortuis restituere: eosdem reproducere numero. Prædestinatos prætere potens absolutè est reprobare: reprobatos ad vitam reducere æternam: Beatos è gloria detrudere cælesti: damnatos ex inferni ereptos voragine eadem beatificare: in peccato mortali existentes, imò condemnatos ad seipsum clarè videndum eleuare: Dæmones in malo obstinatos, ad bonum conuvertere: vnum corpus in pluribus formaliter locis, sacramentaliter atque circumscriptiue, loca materialiter siprehendantur, statuere: quæque validissima castrorum prosternere agmina. Ecquis loquetur potentias Domini? auditas faciet omnes laudes eius? Maiora alia magnificentissima effecta, captu nostro longe superiora, potest edere atque patrare.

## XI.

**V**estigia forsitan DEI, mortalium quispiam comprehendere, & ad perfectum usque; Omnipotentem, suo creato ascendere obtutu attentabit? Excelsior cælo est, at quid faciet? profundior inferno, & vnde cognoscet? longior terra, & latior mari, & quomodo ad singula cognitione sua perueniet? Quocirca haud possibile potentia DEI est etiam absolutæ, creatus vt omnia intellectus percipiat in particulari, quæ DEVS facere potest, secundum omnes habitudines, modos & rationes eorum possibiles, non solum in verbo, at etiam extra illud maximè si cognitio ex vi cognitionis causæ elicienda est. Haud quaquam item factibilis extat ab eo creata, ipsum repræsentans adæquatè, vt est in se, species: sicut & creatus, qui per sua naturalia intellectus, vt talem videat. Gloria insuper Beatorum obiectiua augustior: Humanitas Christi, vt Verbi subsistens increati subsistentia eminentior: Beatissima Virgo, vt Deipara præstantior ac purior nequit ab eo effici.

## XII.

**E**xcelsum in fortitudine sua adeo permanet DEVS, vt vias eius scrutari nemo valeat, nullus atque ei dicere, operatus es iniquitatem, audeat. Absit enimvero ab eo impietas, & ab omnipotente iniquitas. Nunquid supplantat ille iudicium? aut Omnipotens tubuertit, quod iustum est? æquissimus etenim ille, norma sanctitatis existens & iustitiæ, eam idcirco corrumpere, nec æquitati vim afferre potest. Insuper summa veritas est, mētiri igitur non nouit: tandem vberimus extat bonorum fons, peccare eapropter aliquo pacto non valet: neque concursu quit morali creaturam præmouere ad peccati, etiam si vocitetur materiale, intrinsecè si fuerit malum. Arborem namque ille scientiæ mali Prothoparentibus num inclinauit? aut pomi comoratam felicitatem commendauit? vel ad esum aut tactum titillauit? Minimè: quippe ille in perditione malorum nec latatur, nec in deficientiam illorum culpabilem, sua se ingerit causalitate; at impij ex sibi proprijs prorumpunt in eam. Optimè tamen cum hoc stat, efficaciter eum præmouere & physicè ad entitatem actus peccaminosi.

## XIII.

Sic a  
pot  
extat  
cat, &  
non  
nem.  
diagn  
ter, p  
uinam  
& vol  
ductu  
volun  
vocat  
dicit

**P**Rin  
con  
ca con  
ne gen  
tendun  
dum e  
gener  
xima e  
verò P  
clesia  
appella  
est pri

**C**At  
vno  
fitenda  
in Fide  
subsiste  
ne con  
Vnde e  
ralitas  
Et cum  
quod v  
Filio, h

**A**Cti  
elici



### XIII.

**S**ic aliqua tenui expressa oratione, de Potentia DEI ad extra operatiua, vt pote essentiali ac communi, atque in actu signato priori; ea, quæ ad intra extat productiua, aggredienda restat. Quæ licet Essentiam DEI identicè dicat, & sine imperfectionibus materialiter; formaliter tamen vt essentia est, non; at vt natura est, maximè; quam in recto, & in obliquo, importat relationem. Suo modo illam cum Theologis geminam, generandi vtpote & spirandi agnoscimus. Vtraque, quantum ad id, quod dicit in recto, si primordiallyter, prout extat primum, quo produciens producit, principium viurpetur, diuinam importat naturam, vt radicem sui ipsius, exercētis intellectus rationem & voluntatis. Si verò proximè, quatenus principium est proximum, quo productum produciatur, prehendatur; naturam dicit Diuinam, vt intellectus est & voluntas. Quantum verò ad id, quod in obliquo includit, illa quæ gignendi vocatur, importat paternitatem; ea autem, quæ dicitur spirandi, relationem dicit spirationis.

### XIV.

**P**incipium Quod generans Filium, est Pater, in ratione Personæ, iuxta conceptionis nostræ rationem, relatione Paternitatis, vt forma hypostatica concepta: in ratione verò valentis generare, potentia gignendi, & in ratione generantis actualiter, constitutus generatione. Et quamuis simpliciter fatendum sit, potentiam à Patre possessam, obtinere Filium, haud concedendum est tamen, Filium ad generandum habere potentiam, etiamsi ad hoc, vt generetur, non careat illa: quod non ex impotentia, aut illius defectu; at maxima ex perfectione, & implicantiā contradictionis in re, prouenit. An rectè verò Pater possit Causa dici Filij? & cur non, secundum supportatos ab Ecclesia Græcos? Conuenientius tamen cum Latinis, & melius Principium illius appellatur. Dicitur autem Principium totius etiam Deitatis, quia omnium est principium Personarum, per originem quæis communicatur Diuinitas.

### XV.

**C**atholica extat veritas, Spiritum sanctum ex Patre æternaliter & Filio, ab vno tãquam Principio, & vnica spiratione procedere, adeo omnibus profitenda Christianis, vt oppositum primi, Hæresis, & secundi, parum sit tutum in Fide. Quod vnum principium neutiquam vna est Persona, quamuis vnus subsistens extet spirator communis Patri & Filio, natura suo modo & relatione consistens spirationis: à quo vt amor duorum vnitiuus Spiritus S. prodit. Vnde esto, in communi si attendatur ratio amoris, ad illam non exigatur pluralitas suppositorum, bene tamen ratione attenta mutui amoris & amicabile. Et cum nulla alia ratio, Diuinas realiter discriminans Personas, præter hanc, quod vna sit ab altera, reperiatur: Spiritus idcirco Sanctus, si non prodiret à Filio, haud distingueretur realiter ab illo.

### XVI.

**A**ctiones à potentijs, generandi videlicet & spirandi, secundum rationem elicite, formaliter & in recto important non solas relationes, verùm absolutum,



solutum, naturam nimirum Diuinam, vt ratio extat formalis actionis. Quamobrem potentia actus generantis intellectualiter, est dictio, quæ locutio est & intellectio mentalis: spiratiua verò est velle spirans, quod amor etiam dicitur actualis, ille est & vocatur generatio; hic verò non, bene autem amoris spiratio. Ambo haud addunt distinctam rationem formalem actionis, realiter actuali er, aut ex rei natura; imò nec ratiocinata distinctam ratione, ab ipsis intelligere & velle essentialibus: quæ non ad eum, includunt in se modum, quo inferius includit superius: at sicut vna sine modificatione ratio, in conflatio includitur sui ipsius, cum modificatione acceptæ: & sic ratione distinguuntur ratiocinata, sicut includens & inclusum.

### XVII.

**N**VM DEVS Pater generet volens Filium, vel nolens, quispiam si percontabitur, quidni? Hæc si voluntas generationem Filij velle, tanquam obiectum & cōcomitans asseratur, quæ etiam à coactione potest dici libera & defectu, haud à necessitate tamen fecundissimæ naturæ. Voluntas igitur tam vt natura, quàm vt libera, ad vtrumlibet cum indifferentia permanet, non principiat, siue principaliter dicas, siue secundariò, tam vt applicans potentiam generatiuam, quàm vt potentia generans Filium: verum vt natura est, compacet sibi in generatione illius, quæ complacentia, vt communis, est prior generatione Filij. Spiritus autem S. per modum procedit voluntatis, imò & libertatis oppositæ violentiæ, remouētis miseriam & tristitiam (arcentur quippe procul ista à Diuinis) non verò constituentis indifferentiam: quapropter haud concedendum est, eum prodire liberè, indifferenter, sed necessariò, naturaliter, voluntariè tamen.

### XVIII.

**C**ONSIDERATA aliquantulum & delibata potentia cum actione ad intra productiua; actionem ad extra potentia operatiua iure cognoscendam Theologus aggreditur. Et esto Deum in alto quodam otio degere, nihilque extra se operari, haud solùm impiè, at stultè etiam commenti sint aliqui: veritas nihilo minus permanet certissima, ex ipso, per ipsum, & in ipso esse omnia. Maxime vt pote ille Ens extat per Essentiam, quodlibet idcirco aliud à se, nonne causabit Ens per participationem? Ex triplici ipsi conuenienti causalitate, finali nimirum, formali extrinseca, & effectiua; in præsentiarum sola effectiua, quæ actio extat eius, ad extra potentia operatiua à nobis vsurpatur, qua vniuersalis rerum vniuersitatem condidit omnium Conditor Deus; inter quæ, aliqua creauit ex nihilo, & aliqua nouo efformauit ac singulari modo: quæ productiones, multoties licet nomine exprimentur Creationis, communius tamen priori, nomen Creationis à Theologis adaptatur.

### XIX.

**A**CTIO hæc ad extra exequentis potentia, efficientiam effectus, haud intellectio est & volitio, dependentia aut effectus, puraue relatio, vel tale quid, quod esse exigat subiectiue in effectum: at actio est, causalitas seu diuina, quæ eius est essentia, cum relatione rationis ad effectum, minimè respuens formalem



formalem actionis transeuntis sine imperfectionibus denominationem. Multiplex iuxta cōceptionis nostræ rationem in re fundatam potest assignari; unde Creatio, formatio,eductio, conseruatio, conuersio, reproductio, annihilatio, necnon alijs pluribus formalibus rationibus, actionum potest appellari, secundum quas pluriuarios effectus præpotens patrat Deus. Creatio soli Deo conueniens non est mutatio, nisi secundum intelligendi modum, nec constitutionem dicit rei ex præexistentibus principijs, verum totam cum illis producit simul rem.

## XX.

**E**ffectus ad extra Potentiæ DEI agentis est Mundus, quem suaptè natura aliqui, vi ac potestate talem, ex omni esse æternitate, qualis nunc reperitur: cæteri fortuita athomorum cohæsione extitisse & coagmentatione, imperitè philosophati sunt: exactius cum à DEO reliqui, libertate effectum voluntatis, existimarunt: nî enim ille libero suo decreto, rerum in tempore productarum decreuisset seriem, illa ad lucis etiam esse haud prodijffet. Etiam æternum hoc conditum modo, argumentationi indulgentes ambitiosæ, artificiosæque, multi censuerunt Peripatetici: eum nos ex nihilo factum, in principio temporis ab eo capisse, firmissimè tenemus Catholici. Illum dum creauit, multiplici creaturarum & ampla compage, atq; variegato spirituum, corporum, motuum, & temporum complexu condidit, iugique suo indiuulse seruat in fluxu ac tuetur: qui quoad permanentia, poterat esse ab æterno, non tamen quoad successiua.

## XXI.

**E**A vniuersi cum extet perfectio, vt Conditori, à quo prodijt, sua vt postulat, assimiletur conditio; in eo exinde intellectiles gradus, alijs præstantes Creaturis, non sicut actus puros, nudas aut potentias, sed medios, potentiam commiscentes cum actu, adesse necessarium apprimè extat, Angelicum scilicet & humanum. Angelicus sanè actu quamuis & potentia, esse & essentia realiter distinctis, natura & supposito, consistat, corporis nihilominus expers est, ab omni que immunis materia physica, pluralitatem sub vna specie omnino respuens indiuidualem. Intelligit & vult intellectu & voluntate, intellectione & volitione, ab eorum realiter essentia discriminatis. Deum equidem percipit intellectualiter, & seipsum tantisper sua essentia vicem speciei intelligibilis impressæ gerente, non tamen expressæ, quam, vtpote suum accidens producit: alia verò per species sibi à Conditore largiter infusas intelligit.

## XXII.

**H**omo peculiaris Mundi portio, ijs magna quorum congeritur moles, comparatus, ingenti coruscat decore: stirpsquidem ille non terrena existens, at celestis, vetusto dicto vt proditum est, animam obtinet rationalem, intellectiua pollens & volitiua virtute, DEI Creatoris sui exaratam habens

C

imaginem.



imaginem. In qua simpliciter eum licet superet Angelus; secundum quid nihilominus ille eminet Angelo. Imago Creationis quoad essentialia, in vnoquoque etiam peccatore saluatur homine, deturpetur quamuis peccato, atque obscuratur. In illa specifica si eius ratio attendatur, vir cum muliere parificatur, secus si indiuidualis atque accidentalis: hac enim ratione, vir, DEI; mulier autem imago (virago siue dicas) extat viri. Tandem in recreationis imagine, & similitudinis gloria, multoties se superant ac æquantur.

### XXIII.

**A**ngelus haud solum, præstantibus redimitus est cum homine naturalibus, verum ad altiorem etiam ambo, supra illorum naturam, à Deo auctore excedente naturalia, ordinati remanent finem: quem ad capeffendum suæ ab illo consortio naturæ, ac adiutorio gratiæ eleuati, roborantur; & cur non prædeterminentur etiam physicè & præmoueantur, illorum iuxta modulum? Trahit ille siquidem eos amoris illicio, non seruitutis violentia: vnumquodque, etenim ordinauit ille, vt indita vel infusa Minerua suam assequatur felicitatem; ratione cuius, dum in creatura virtute quidpiam operatur sua, ad amussim illius se attemperat: sic ille sole non tenebrat, nec refrigerat igne, nec deficcat aquâ, sed vnicuique suam actionem suauiter contemperat, vt & nullum à propria cooperatione excludat, & modo cuiusque, illius exequatur conatus.

### XXIV.

**S**upernaturalibus præterea virtutibus Theologicis, Fide, nimirum, Spe, & Charitate, suis in statibus ab eo condecorantur: quarum prima, circa Deum actuali omnium suprema veracitate, tanquam formali sub Qua ratione constitutum, operam ponens, vtque non importans statum de facto obtentum, apprehensa, ad particulares etiam extenditur reuelationes, secus, si vt Catholica extat, consideretur: Resolutioque eius finalis, tanquam in rationem assentiendi formalem, in testimonium primæ in dicendo veritatis, facienda est. Secunda verò importat in Deum, bonum vt extat arduum, speranti proprium, propensionem; qua, ex reuelante Deo, suam quispiam sciens reprobationem, atque omnium auxiliorum priuationem, haud tenetur sine peccato sperare. Tandem tertia amicos constituit Dei, cuius tam actus, principiumue formale Quo, nequit esse increata dilectio Dei.

### XXV.

**C**œlum sicut caduca corpora stabilitate excellit & perpetuitate, ita celsissimam etiam sedem inter illa occupat. Multiplex reperitur, vt cœli cœlorum, suum laudare factorem, meritò proclamentur. Inter eos plures varijs citi motibus, Empyreo quiescente, mutuo se omnes connectunt complexu.

Materiam



Materiam specie à nostrate distinctam possident, inferiorumque præsumunt motibus. Omnes simul quoad substantialem entitatem creati sunt, & quoad peculiare influendi in sublunaria virtutes, progressu temporis facti à Sacra exprimentur Scriptura. Liquidos illos esse, quisquis de illis rectè sentire fatigis, existimare caueto: atque ut volucres aëra, sic astra secare cælos non contingito; at solidissimos extare discito. Aquas dum supra illos, esse, Diuino Eloquio percipis, has nostras non adstruito, naturam si cælorum ut exigit, secus si aliter concipis: verum aqueum cælum, diaphanumue, aut aquas vaporabiliter, supra aëreos eleuatas cælos, teneto.

### XXVI.

**E**tiam inter præclara Potentiæ Dei facinora, obtutu nostro iucundissimum est lumen, ut iure sol in aspectu, ratione illius, vas admirabile, opus Excelsum pronuntiatus; nec temporum modo, ac elementorum etiam moderetur, quasi rector variam contemperationem. Luminaria quippe, annon ut præfessent diei & nocti, condita sunt? vices temporum idcirco, annumque temperant renascentem atque serenant. Adstipulantur illis, in spatiosa cælesti regione, stellarum ordine distributi chori quorum aspectus, discursus, efficientiæ extant mirabiles: effectrices quippe sunt tempestatum, nimborum concitatrices, incitatrices ventorum; in quibus naturæ author, adeo pulchram vniuersi exhibet machinam, ut ipse varius cælorum astrorumque motus, appareat concentus esse & harmonia, rerum inter se inæqualium, mirifica cum proportione; ex imparibus magnitudinibus, disparibus facultatibus, quasi ex diuersis vocibus ad harmoniam compositis.

### XXVII.

**E**lementa quoque sub cælis potenti sua vi Conditor vniuersitatis creans, suis in sphaëris constituit, illaque contulit eis omnia, quæ natura illorum requirit & inclinatio. Ignem utpote præstantiorem sublimius collocans, in eo miranda patrat opera, à nostrâ aliena cognitione. Sub eo aër tres in regiones partitus; quæ efficiuntur in eo, quis satis quit intelligere? differentes namque nubes, quarum euanidæ quædam sunt & infæundæ, quædam quæ pluunt, grandinant, ningunt, & pruinant: tonant aliæ, fulgurant, fulminant, mortalesque territant: ventos aliæ, & quædam luces, & tenebras reliquæ pariunt. Discrimina item ventorum, quorum quidam exagitant tellurem & infestant, demulcent alij & delectant, nubes quidam adducunt, & quidam dispellunt: fremunt alij, libilant reliqui, atque alia plurima eaque diuersissima Metheora, in eo suis efficiuntur temporibus.

### XXVIII.

**A**byssus aquarum spatiosissima, ex Diuina etiam Potentia, rerum optimarum fecundissima effectrice, mundi in creatione, postquam in natura extitit re-



titit rerum, terram sua circundans amplitudine ambiuit: at commoda vt relinqueretur terræ animantibus habitatio: Dei postmodum iussu, in certa congregata est spatia, in quæis tanquam fascijs conclusa suis terminis, prohibetur, ne in latus vllum, neque sublime extra illos efferatur. Partes aliquæ terræ, quamuis sublimius quibusdam eius partibus existant, maior tamen pars illius eleuator est, & terræ depressior. Ipsam tandem terræ molem ingentem, in definita proportionem cæteris cum elementis, atque ad eam partium dispositionem, quam ædificium postulat affabrè extructum, effecit; arteque stabiluit mirabili, dum partes illius, montes scilicet, valles, planicies, ad lineam directionis, & ad centrum grauitatis exegit, quod reliquorum cum corporum circumferentia contemperauit.

### XXIX.

**E**SSE Deum, præesseque tanquam Monarcham Mundo, atque pro suo regere vniuersa imperio, ius supremum est. Opificium quippe non negligi ab opifice suo ac fabricatore, vrget acris ratio. Pater enim, vt sua permaneat progenies, si attendit; annon Summus rerum Conditor, diuturnitati à se conditorum consulit? arcens, quicquid noxam damnumue illaturum videtur: conferens contrà, vtile quicquid commodumque requiritur. Vniuersa itaque tam supera, quàm infera, tam cælestia, quàm sublunaria; cursus orbium, temporum metas, motus corporum, nutus mentium, incrementa rerum & decrementa, pulcherrima ratione moderatur; idque tam vigili cura, vt ne puncto quidem aut momento, omnes & singulæ Creaturæ valeant ab illius obsequio declinare aut cessare.

### XXX.

**N**ON solum ipsemet Omnipotens vniuersitatem Creaturarum conseruando, seipso gubernat singula, at medijs etiam alijs creaturis, hoc idem haud minus efficaciter, quàm suauiter præstat. Ab illo si quidem deriuata Angeli virtute, mirandos, mundoque haud solum spectandos, verum vtilis, in elementis etiam, & elementatis, affectus ad commoda mortalium efficiunt: nunquid ipsi non administratorij appellari gaudent spiritus? dum fidei, nos pusillos, suæ commissos, custodiunt & dirigunt; mandata Diuina ad nos perferunt; Dæmonum contrarias nobis potestates debellare ac arcere satagunt: Imperia, regna, & principatus pro DEI arbitrio mutant, & ordinant dignitates: Rerum publicarum præsides & Potentes splendidiore radio illustant, roborant potentiore virtute, consilio acriore instruunt, pectora animis & corde implent, animos afflatu meliore animant & excitant.

### XXXI.

**P**otentissimus etiam extat DEVS, subsistere in natura creata, non accidentali, solaue materia, omni spoliata forma; & in quacunque substantiali, immu-



li, immuni à peccato; corporalis siue illa sit, aut spiritalis; rationalis vel sine ratione: secundum suam subsistentiam, vniendo se ei substantialiter. Cuius non actiua est huiusmodi potentia, nec passiuā; sed substantialiter terminatiua, ipsi soli conueniens. Ea, qua absolute valet subsistere & communicabiliter, non hypostatica rigorose est, sed subsistentialis: vnde vnus Hic DEVS, hoc subsistens, modo alicui Creaturæ, personale illi nequaquam, bene verò subsistens exhiberet esse: cum illo idcirco posset propria illius Creaturæ compati personalitas. Illa verò, quæ hypostaticè potest substantiam Creatam personare; ratione relationum, proximè conuenit ipsi & immediate: non solum singulis seorsim personis; at omnibus etiam simul sumptis; adeo vt haud solum vna persona plures, imò quamlibet possibilem; verum etiam omnes simul personæ valeant vnā suppositare naturam substantialem Creatam.

### XXXII.

**I**ncommunicabilitatem alteri, cum Personalitas creata, in sua importet ratione formali; implicat eapropter contradictionē, eam etiam increatæ alteri personalitati vniri, tribuat vt illi suum effectum formalem; imò & naturam ipsam reduplicatiuè, si, vt personata est, capiatur; specificatiuè cæterum, & creata personalitate concomitanter se habente, naturā creatam, propria personatam hypostasi accipiendo: esto non posse, absoluta intenta DEI potentia, ab eius suppositari personalitate, doceant multi amici, magis tamen oppositam ipsis amicam veritatem amplecti fas est: nulla ei cum obstat contradictio, aut Angelici Doctoris valida autoritas & ratiocinatio. Cuiusmodi autem extet vnio, qua creaturam ad eam potis est societatem cum seipso, inperscrutabilem patrator eleuare DEVS, vt vnum per se constituent, immeritò desudant multi, illam substantialem vt negent modum, solam creaturam afficientem intrinsecè. Verum hæc sicut pretiosa est res, ita supereminet speciosis etiam intellectus creati rationibus.

Ineffabilem igitur eam potius admirari, quàm effari,  
quis non nitetur? In qua Benedictus sit  
DEVS in æternum & ultra.



Procellosos contrarietatum turbines, ad iubar Solis Thomistici pro  
viribus serenare conabitur, idem J. ADAMVS CHAMO-  
CKI, Assistente R. P. F. CAROLO KVROPATWA,  
Sac. Theol. Lectore, ac in Generali studio Cracouiensi Ordinis Predi-  
catorum, Studentium Magistro. CRACOVIAE ad Augu-  
stam SS. Trinitatis Basilicam, Sole <sup>supra Mille-</sup>  
simam sexcentessimam à partu Virginis emeriente periodum. Mense  
Die Hora

D. O. M.

Virgini & Parenti nostræ Clementissimæ, SS.  
Dominico, Hyacintho, Thomæ Aquina-  
ti, Patronis, vniuersæq; Cælorum  
Curia Gloria &  
Gratia.



CRACOVIAE,  
In Officina Typographica Francisci Cæsarij.



*Jan 29.*



i pro  
MO-  
A,  
radi-  
ugu-  
Aille-  
tense

SS.

5100014892

Biblioteka Jagiellońska



